

Mawtaw mongh hneksaknak phunglam thar caah naa ralrin cang maw?

Victoria ram chung um mi hna caah mawtaw mongh hneksaknak phunglam thar tuah a si. Mah hi nazi 120 chung tinhmi a hmuuhma chungah tling te in cawnnak a ngei cang mi hna nih him tein an mongh khawh le khawh lo theihnak caah hneksaknak camipuai a si.

Laisen a sawk i hneksaknak phunglam thar a awng mi nih cun nitin him te in le upadi ning te in ka mongh khawh lai ti tinak cu phunglam thar in hneksaknak a tuah lio ah a langh ter a herh.

A tang i tailmi zohchunnak hna hi na zah dih a si ahcun, hneksaknak camipuai tuah awk ah naa timh khawh tinak a si. Zohchunnak hi lam hmuhsak tu lawng a si i a donghnak a si lo. Him lo in mawtaw mongh palhnak le ziaza ningcang lo pi in mawtaw mongh te hna hi hneksaknak phunglam thar nih cun sualnak nganpi ah a ruah. Cuaah tha tuk in aa timlamh mi zong nih hneksaknak tuah lio ah him te le ziaza ningcang te in a mongh khawh lai ti fiang te in a langh ter khawh lo ahcun a sung lai. **Mawtaw mongh cawnnak cauk** chungah tialmi, **a cawng lio mi caah hmuhsak tu** timi kha fiang te in na zah dih a herh.

A tang i tialmi hna hi na thiam ahcun hneksaknak natuah khawh lai:

- Nazi 120 chung cawnpiaku he lam dang dang le hmung dang dang ah tlamtling te in cawnnak le; zaan, a cin mi lam le khulrang in mongh nak lam kaipi te hna ah nazi 10 cawnnak na ngei ahcun.
- Nitin in lampi dang dang, mawtaw a tamnak hmun, lam tampi a umnak lamkaunak, khulrang le khulnuar deuh in monghnak lampi te hna ah him te in na mongh khawh ahcun.
- Nitin in cawnpiaku maw, bawmtu maw um lo in, mah te in him te in mongh thiamnak khuaruah thiamnak na ngeih cang ahcun.

A tang i mawtaw lam hmun dang dang ah na mongh lio ah, him te in mawtaw mongh ningcang ziazatha fiang te in na langh ter khawh ahcun:

- Zoh ngiat thiamnak - khulnuar deuh in na mongh lio ah, na pawngkam a kal vemi mawtaw hna le lampi umtuning zoh peng le, awrlel le kehlei na liang cung zawn le na hmai i thlalang chung in hnu lei zoh thiam le nahmai lei a kal mi mawtaw le na hnu lei in a ra mi mawtaw zoh thiamnak
- Hmuhsaknak mei hmanning – na pawngkam a kal vemi mawtaw monghtu hna sinah tuah naa timh mi hngalh ternak caah ningcang te in hmuhsaknak mei hman thiam
- A lawnnak zawn te lak thiam – na dirnak hmun in chuah naa timh tikah a hmasa bik a a lawmnak zawn him te in lak na thiam ahcun
- Khulrang le khulnuar in mongh – aa tialmi a meng zat nak in tlawm deuh in na mongh zungzal lai. Sinain, khulnuar tuk lo in na mongh lai. A sullam cu, na pawngkam le lampi umtuning zohchunh in khulrang le khulnuar fel te le him te in a mongh na thiam ahcun
- Hlat nawn in zulh – na mawtaw le na hmaika ah a kalmi mawtaw karlak ah a zaa tawk in na lawn ter lai
- A sir le a pang lei in hmun lak – a him bik mi lam naa thim lai, lam thluannak ah na mongh lai i, nangmah na lam te ah na um peng lai.
- Na dir tik ah – mawtawka dirnak hmun, lam itonnak meiceu umnak hmun le mi kalnak lam na phak tik poah ah tling le fel te in na dir zungzal lai.
- Uknak – na mawtawka tha te in na uk zungzal lai i nal ziahmah in na mongh lai

A tang i mawtawka mongh ningcang hna hi him te le lam upadi ning in tuah na thiam a herh:

- Lam itonnak hmun dang dang ah awrh lei le keh lei i mer ning
- Awrh le Keh lei ah lam ithial ning
- Mawtawka dang dang pawl he rual te in kal ning
- Artlang in mawtawka dirnak hmun in hnu lei i let than le voithum imerh hnu kal ning
- Mawtawka lam hmun dang tampi ah lam ding le lam kuaihnak ah mongh ning

Mawtawka lam umtuning a dang dang ah a fakmi palhnak um lo bak in na mongh thiam a herh. Cu hna cu:

- Na mongh lio ah lamkam ah ikhawn
- Mawtawka dang dang le na lam kalnak a hmang ve mi hna he i khawn dengmangnak chuan ter
- Khiahmi a mengzat nak in tam deuh in mongh
- Ralrinnak mei na pek lo, khua na zoh lo, mi na kianh lo ruang ah ikhawnh sual lo ding in mi dang naa hrial ter
- Dirnak le mei sen te hna tan i mongh
- Him lo in mawtawka dir ter
- Khulnuar tuk in mongh
- Khua zoh lo le ralrinnak mei ceu pek lo
- Mi kalnak lam khamh
- Lamkam cungah mawtawka ke kai ter bu in chiah te hna, a siloah, na chuah tikah mawtaw ke lamkam ah kai pah in kal te hna
- Dirnak hmun ah tling le fel tein, hman te in chiah lo te hna

Him te in monghnak upadi faktuk in na buar ahcun na tuah lio mi hneksaknak chihkhat te in ngol ter khawh a si lai i na sungh tiah chinchiahanak a si lai.

Chinchiahnak: I zohnak caah tialmi hna hi a donghnak a si lo. Mawtaw mongh hnekdknak phulnglam thar kong tam deuh theih na duh ahcun, **mawtaw mongh hneksaknak kong na theih awk le GLS** tiah chuahmi (**What you need to know about your Drive Test and the GLS**) cu www.gls.arrivealive.vic.gov.au) ah zoh khawh a si

Mawtaw mongh a cawng mi hna le a cawnpiaktu hna hruaitu ca uk (A copy of the **Guide for Learners and Guide for Supervising Drivers**) cu www.vicroads.vic.gov.au in lak khawh a si.